

顯志堂稿

中允馮君景庭家傳

湘陰左宗棠譏

君諱桂芬字林一又字景庭吳縣馮氏先世由常熟遷吳遂
爲吳縣人君幼穎異弱冠補縣學生員道光十二年舉於鄉
二十年一甲二名進士授職編修 文宗御極大臣疏舉人
才以君與林文忠同薦旋以憂歸比服闋而賊已陷金陵矣
承 詔勸捐輸練鄉團事辦敘克復諸城勞晉五品銜 特
旨擢中允有間之者告歸不復出也金陵師潰賊犯吳中時
泰西海舶鱗集滬上衆議藉以禦寇君亦謂然比和春張國
樞師又敗滬益不支所望者曾侯駐皖之軍吳人盡赴皖乞
援之策慮侯不遽許推君具草君爲陳危急情狀并時局利

鈍及用兵先後所宜語甚辨曾侯許之令福建延建邵道今
相國李公以水陸諸營東下李公益召淮陽豪俊與俱遂成
平吳之功吳平李公開府吳中就君諮訪郡縣利病諸時政
多取決焉如蘇松減漕額長元吳三縣減佃租舉入百數十
年歷代名公卿思爲民請命不可得積歎終古者一旦如其
意而前雪之如沈疴之去體非遇 聖仁在上當事無所顧
慮民間呻吟疾苦奚由澈諸 殿陛也吳人兵燹餘生蠲貸
及於寬政幸矣茲於常制更減除數十萬租賦永爲太平幸
民微君有言而孰貽之第以赴皖請援謂君大有造於鄉邦
抑又淺矣君著述甚富堪裨實用算學尤邃稱於時茲最其
有關國故者錄之君卒於同治十三年四月年六十有六子

二芳緝芳植有聞於時余與君同壬辰鄉舉今亦七十矣頭
白臨邊久荒文字因芳緝書來求爲君家傳不獲以不文辭
乃書此詔史氏

論曰士之有意用世者蓋欲行其志焉而行之有難易成之
有遲速則時爲之使君於大臣論薦時遽膺重寄固宜大有
設施然時會未值議論或足以害其成未可知也觀君所爲
如雷霆之乘風載響霖雨之因雲灑潤也事成而神功亦斂
如此語曰識時務者在於俊傑諒哉

吳為東南一大都會名山巨澤包涵環匝清淑
靈秀之氣磅礴鬱積蔚為人文因茲生其間
者多魁奇傑特之士淹雅宏博之才代有傳人難
與僕數然欲求貫穿羣經網羅百代明體達用
卓然無愧為通儒者在

國朝必首推亭林顧氏後二百餘年而有校邠先
生焉先生稟資穎異於書無所不究未達時即
以文名顧不屑以章句自固舉凡天文輿地兵制

刑注鹽鐵河渠錢漕食貨諸書靡不並慮專
精務欲推究其本原洞徹其微奧隱於負撥
亂澄清之志當道聞其名一時禮幣至徵予
相羅拔林文忠公尤有國士之目先生律已甚嚴
居常不輕與人接既通藉以弟二人及第官於
朝益練習於朝章典故徵文考我有呵即鳴
於是聞譽日隆駸乎將大用矣旋奉太夫人諱
服闋還朝又奉封公諱先生始慨然有歸隱

之意歲庚戌淮南改行票鹽余奉制府陸公
檄赴揚州籌議新章先生亦膺纂修鹽
法志之聘余慕先生名垂二十年至是始識先
生於揚之梅花書院相與議鹽細利病及時
事得失輒有冰乳之契暇時從論今古商訂金
石文字相得益歡先生長余二歲以兄事之是
為訂交之始余家吳興少時聞同縣之稽祖堦陸
名揚輩因濫竽致羅大辟輒以長者自謂我

吳序

二

郡因於重賦官吏又以漕費重役而浮徵民不
聊生遂致激變余心識之洎入官歷任煩劇益知
蘇松重賦之累以爲蠲潮等每至開倉巨案亦
層見叠出欲一言而不得當會制府何公下車
之始訪於民隱余遂上書請奏減賦額滙陳漕
務利弊及漕數千言先生見而歎曰我輩此願
久及今乃有同志雖此何公少尉不能用也
後乃議者所沮果如先生之言庚申後余與先

生同寓滬上過後甚密時東南偏地皆賊海
角偏隅華洋雜處安及上不可終日於是設會
防局以聑中外之勢籌巨貲僱輪舟以迎安慶
之師余與二三同志艱難奔走措拄危局殆
無一事不与先生議先生澄慮寡言及臨大
事決大疑往往聽慨激烈直任不辭於人亦
樂就之也比余爲職樞門今侍郎郭公筠
仙偕潘君香玉過候將赴通海籌辦沙洲

科科謂余粗知此中利害欲得一言決行止
余力陳沙洲瀕臨江海非陷於賊即以賊氣
相錯清楚其難事遂輟時郭公正筦江
蒞糧儲因以減賦之說進潘君不從旁慫恿
郭公深違之余夏寓書潘君屬先達於
先生以先生存今爵相合肥公幕府掌奏記
也越日先生過余坐未定喜形於色曰我與子
平生舊願今可償矣昨潘君携子手書

見示余留置案頭合肥公見之閱至不為待
蘄州亮夏先從松江辦起他日稍後蘄太各
郡其辦法一如松例大為嘉許已屬余具疏
稿矣後之斟酌損益得上邀

朝廷曠代之恩章程悉出先生手此事具先
生文集中先生歸里後余亦移家蘄州鍵戶
養疴位不預門外一事先生亦非公而故
近至同城而相見非夏如曩昔之密矣先生

為文根柢六經風格雅與廬陵南豐為近
法度謹嚴不驚馳騁自有超軼絕塵之度
晚益致力於算術小學冥心孤詣於西法尤多
創解糾正段注說文積稿逾尺時推許君
功臣段氏諍友洵為焉論所居賦城市近
簾築室靈壑山下趺池疊石種竹栽花建
高樓手籤萬軸充滿其中先生著述之餘
拓牕眺遠悠然自得望之不齊神仙中人在

滬時蒿目時艱著抗議四十篇閭閻民生
國命而旁及於西人將以爲其稿余亦余
曰子能直言試爲我平毋隱余受讀之繇繹
至再竊歎先生抱負之宏與學術之邃亭林
所謂多果見之行事亦不難躋斯世於治古
之隆此四十篇實足爲之弔先生悲愴在抱
憤時嫉俗之心時流露於筆墨間故立言
不免稍激余愛書引莊子瞻黃帝之調

黃魯直承天院記為言先生笑而頷之後曾
文正公索觀稿本移許嘆嗟同人咸促鐫版
先生卒秘匿不出且以余書附抗議稿後其
虛衷納善如此今嗣若申之比部培之中翰衷
刻先生文集而抗議四十篇不全錄者實體
先生意也余辱先生知愛訂昆弟交三十年
共事之久相契之深皆申之兄弟所熟聞於
過庭時者今以先生遺集請序余何敢

以不文辭謹就平日与先生交誼始末累
次梗概著之于篇至先生學行經濟若為
文章久已為世宗仰必將與亭林顧氏諸先
濟美輝映儒林余不敏未能聞發亦無裨余
言也光緒二年丙子仲冬歸安吳雲書於兩鬢軒

序

自孔氏諸弟子各以其所學散處諸侯之國原遠而未分至於今益甚有曰性理之學則究性命辨義利者也有曰經世之學則策富強課農戰者也有曰經籍之學則窮訓詁考制度者也有曰載記之學則誌得失鏡古今者也有曰歷算之學則精推步測高廣者也有曰詞章之學則研聲律儷清白者也是數者各得其質之所近各行其業之所習彼此相笑而莫能通孔子曰吾道一以貫之苟不得其所以貫萬猶不給也苟有以貫之則此數者固可得而一若景庭馮先生其有以貫之乎先生於余爲同館前輩同治中余寓吳下主講紫陽先生亦主正誼講席時相過從其後先生移家木瀆距

城稍遠然歲必一再至談經史疑義又或縱言及於時事甲戌正月猶過我春在草堂而是年夏余自武林歸則已聞先生之訃矣先生既歿相國李公言于朝建祠於其鄉俾後進之士俎豆尸祝有所矜式而先生之書亦遂次第刊刻行於時其嗣君申之培之以顯志堂稿十二卷求序於余余讀而歎曰是我所謂能貫之者先生於學無所不通而其意則在務爲當世有用之學所著有抗議四十篇蓋漢仲長公理昌言之流方咸豐同治間吳會可謂多故矣而於先生集中見二事焉則皆大局之所繫其一迎師於皖皖軍至而東南以次底定旋乾轉坤於是乎在其一減三吳之浮賦四百年來積重難返之弊一朝而除爲東南無疆之福而是二者

稿皆出於先生先生治經通小學故不爲浮詞尤精隸首之
學能推而行之清丈之法生焉敘庚申間事有史筆閒爲小
文清而腴嗚呼豈非吾所謂有以貫之則此數者固可得而
一乎先生以 廷試第二人官翰林負重望咸豐初潘文恭
公以先生與林文忠同薦使先生大用於時其所設施必將
赫然爲中興名臣之冠豈止於此而已哉然使後之人拜先
生之祠而讀其書皆務爲有用之學則先生之澤固遠而大
矣

光緒二年嘉平月侍生德清俞樾頓首拜撰

道光朝侯官林文忠公撫吳有政聲公餘之暇與紫陽正誼
兩書院肄業士講求文藝鑒別人倫吾師林一馮公以學問
文章受知於文忠最深有一時無兩之譽當是時吾吳漕糧
幫費之重積困已久勢不得改弦而更張文忠疏請緩漕一
二分或三四分與民休息歲以爲常此公爲諸生時耳熱而
稔知也迨後湘鄉曾公合肥李公疏請裁減蘇松太浮糧之
議實自公創之公與李公書問往復輒以道咸間三十餘年
實徵舊籍稽核比較議減三分之一疏稿皆公手屬得邀
俞允民困以蘇然則減漕之舉文忠導之於前公與曾李二
公成之於後以此見文忠之知人公亦可謂不負知己矣公
於書無所不讀經史而外天文輿地算學小學水利農田無

不精究而尤諳於歷代掌故公於文無所不長詩古文辭駢
 體制藝無不卓然成一家言而尤達於經世之學集中所存
 抗議十五篇於時政之得失風俗之盛衰言之深切著明公
 自謂古法有難復有易復有復之而善有復之而不善然則
 公之議固非執一不可通之論也公序潘功甫先生之文謂
 其論漕賦區田數篇尤東南民命所繫不見諸實用猶膏雨
 之雨於海雨於山而旱苗之不救余謂公之文亦然然如乞
 師減賦修學宮製禮器改建正誼書院修輯郡志諸大端皆
 公引疾歸里後二十年中次第成之公之澤不及於天下而
 猶及於鄉里後生小子得所沾沾與世之得位乘時而始行
 其志者其難易不且倍蓰哉大澂肄業正誼時適公主講席

重刻段氏說文注大澂與參校之役同治甲子與公次子培
之芳植同領鄉薦戊辰通籍之歲又與公長子申之芳緝爲
同年今距公之歿三年矣申之昆仲輯公文稿以授梓人而
問序於余余因述減漕顧末與公生平用世之志書諸簡端
云光緒三年春正月門下士同縣吳大澂謹序

墓志銘

東南經寇亂逾十年而後定故家文籍蕩然猶賴碩望耆儒
若伏生申公者抱遺經蓄道德後學奉爲依歸而官其土者
有大政或遇事變得所諮度焉中允馮君桂芬殆其人矣君
生有異稟幼擅文譽工制舉業及駢體中年以後乃肆力於
古文探源左國下及唐宋說經宗漢儒亦不廢宋精研小學
嘗手摹楚金說文韻譜敘而刊之喜疇人家言師事李申耆
李尙之兩先生嘗以意造定向尺及反羅經用以步田繪圖
試行於川沙又以江南清丈用部頒五尺步弓田多溢額考
會典

皇朝文獻通考及戶工事例定用舊行六尺步弓量舊田新

頡五尺步弓量新漲沙田君於學無所不窺而期於實用天下大計無日不往來於胸中其於河漕兵刑鹽錢諸政

國家條例源流洞達而持之介然少時爲某邑令記室兼治錢穀令以欠糧欲禡生員君力爭不得拂衣去客游陶文毅裕忠靖諸公幕中自未仕時已名重大江南北粵匪之陷蘇城避居滬上是時予方從曾文正公治兵皖疆今河南巡撫錢君鼎銘持書乞援陳滬城危狀及用兵先後機宜累數千言其書君所創藁文正得之感動乃定計以予率師乘輪舟東下卒解滬上之圍克蘇州文正嘗言東南大局不出君一書也予旣至滬奏辟君自隨君創立會防局調和中外又設廣方言館求博通西學之才儲以濟變嘗爲予言外家破於

催科究心漕務者三十餘年周知民間苦累因力陳其弊予
於是有奏減漕糧之疏凡蘇松太減三之一常鎮減十之一
前年予奉

詔議治河事有欲挽河使南流復淮徐故道者君誓來痛陳
南流之弊予於是有故道難復之疏予以非才謬膺重任敬
耆老而咨故實庶幾免愆戾焉而君遽隕喪予滋戚已君字
林一又字景亭先世諱惠者始自常熟遷蘇州郡城占籍吳
縣曾祖義謨妣王祖禮瑞翁銓考智懋妣謝君未弱冠補縣
學生員道光十二年舉人二十年一甲二名進士

授編修嘗充順天鄉試同考官廣西鄉試正考官教習庶吉
士丁母憂服闋

文宗御極用大臣薦

召見旋丁父憂服甫闋而金陵陷奉

詔勸捐團練以克復松江南匯川沙青浦嘉定上海諸城功
晉五品銜擢中允爲蜚語所中得白赴京期年復告歸

今上初元予密疏薦得

旨宣召君病不克赴以蘇松太治團善後功奏加四品卿銜
迨中原肅清東南大定追念前勞奏加三品卿銜格於部議
予續奏稱君江南耆宿講學著書卓識閎議有裨軍國
特詔賜三品銜君遂循例加級三代皆

贈一品秩同治十三年四月十三日卒於里第年六十有六
妻黃先卒

贈一品夫人子芳緝己未舉人戊辰進士員外郎銜刑部主事芳植甲子舉人五品銜內閣中書孫世澂縣學生員世灝世涑世銘世選世榮世霖曾孫澤榮女二孫女八君性恬澹登第後服官不及十年卽引疾歸徜徉山水蕭然自得儉約廉靜旁無姬侍而遇事奮發勇於有爲凡蘇滬諸善堂及濬河建學積穀賑撫諸善舉條議悉出君手先後主講金陵惜陰上海敬業蘇州紫陽正誼諸書院爲後進講論學術評隲文藝書宗率更兼工篆隸四方求書者踵至研朱揮翰昕夕忘倦所著顯志堂詩文集說文解字段註考正弧矢算術細草圖解西算新法直解校正李氏恒星圖測定咸豐紀元恒星表丈田繪圖章程使粵行紀抗議家譜兩淮鹽法志蘇州

府志各若干卷每一書成遠近學者爭快睹焉烏庠使君出而佐天子治庶政其見於世者豈止如是而已哉芳緝將以十三年十一月二十一日奉君喪與黃夫人合葬於吳縣二十一都八圖鱗甲字圩北祝塢銘曰江南文獻

先帝儒臣眾望是資均賦治河運籌決勝條變畫奇舒古琳今齡謀晦斷一身兼之不榮於祿而富於書浩博無涯我銘藏幽君書在世其傳奚疑

賜進士出身 誥授光祿大夫 欽差大臣 太子太保武英殿大學士兵部尚書兼都察院右都御史直隸總督一等肅毅伯加一騎都尉世職館侍生李鴻章拜撰

祭文

於乎悲哉容城駕歸律寒黍谷星沈少微服鳥驚鳴白雞催
曜老成云謝位楹設弔惟公學問景仰亭林囊羅經史異
世同心夙具殊姿丁年入孰寶劍光煌水銀崑玉翫道忘飯
勉讀照穠絳帳聽宣青箱守王刻深靡堅良工器利踐實見
精八音鐘呂翔鵬摩振雲路扶輿

金殿傳唱巖阿登

朝鳳樓手造燕京盡職鼓吹

盛明文章華

國甲辰之秋持衡廣西舉士推韓立羣得嵇孝思益懼親帷
奉養琴瑟眠牀悅適可想鳳曦夕景戚惻素衣蒙垢頤頽敬

祭文

感慈暉營墳卽岡迴軒轅章四氣幹轉隱感難造得禮旣竟
寂靜耽書奄熟羽簡食實王王從此伏處優游故土據梧惠
施杜門子布理尋河洛歸還靈高日晦閨策分骸別毛天元
根方面積輕重牆壁洞燭賢極是拱以彼餘務旁及形家生
克義伐消息近遐建康亡都賢俊特出舉比列坐物省丹漆
甘儀臨海俗資鹹場領海投貢疲戶散亡條陳官府譏察霸
地治絲勿紛歡沛肆市會稽稅困農聚厥田歲惡虧短累萬
盈千蒸黎弱者驅逼過罪弊俶洪武厯幾百載功德裴帶流
民俠圖巨侈富阜且通有無上牒當事慮平辭約疏達
廟堂浮糧永薄藉君謹慎默動

皇仁禹稷已饑貽愛常存運禍陽九叛賊嘯起冠裳委化垣

宅傾毀駭獸惶悚匡匪滿途兵庸將寡殆甚邑孤飛馳賡啟
濟師安慶虞虢連接秦庭效命合肥節相率軍指東乃斬盜
渠俯定南中孟嘉賓充桓伊樂奏讚助機宜薪勞旦晝巧藝
交譽英法則尊橫舍受業使改語言招集知名楚才晉用作
竭要妙恃茲弗恐州縣收取杞檣頗荒植表操尺曲直畝量
猷爲蓋宙情敦曠逸牧稼礪釣退藏幸密厭賤紈綺居止木
川野岫陞眺解易談禪趙壹歌恬長卿杯屬烹萊糟薑能隨
所欲邀隸顛草漢魏碣碑畫寫渭竹露澄墨池谿雨涼飄九
月淡映巾扇籃輶假寐說性榮鞠嘗膳捕魚佐觴詩盟驢背
祀絜黃羊羔雁競矢被育躬劬規矩必遵笙阮答調黜去縻
麗恥矜笑嘖涇妾不御誠切婦人詠駒納善宰騾給友浴銘

湯盤增畏多口抗論鉅筆豈等潛夫紙貴宇內珍賞璣珠貌
朗神仙聖慕周孔

帝曰女來璇階荷

寵制爵敢外臣好讓廉拜首致祿非矯寔謙績垂後昆羌似
岱宗淵和本色端嚴祇恭我郡舊志脩正惟石字號闕疑誰
與信的再發典索抽獲每眞鱗次筍束體雅藁新亦復罔間
早晚暑熱枇髮觀火耳目并力鬱興兩憤騰躍二龍紫禽赤
象嗣父誠忠攝足驤霄兄睦弟勸煒焉超倫李棠任染伯也
始仕政審誅刑嫡男尹祭酒食潔馨叔更詳辨勒威戎卽翠
妍纓弁丙陞執敕福貼皆篤枝葉最煩房桐茂豫夏清冬溫
下愚卑陋往辱並寓筵席陪侍泰嶽瞻顧自離左右而誚獨

行猶兒念母願聆紡聲通聞步履陟園欣對謂身佳淑陶鈞
攸賴壁磨其采奈何令終翦父宿莽綿組沙封唐求張果莊
稱姑射傷懷滅意回環莫釋宮懸絃虛寥夜空廊因緣斯在
塞結寸腸飫承美訓若箴傳芥槐陰時移遼遠基大凌霜搖
落貞松凋初秉蘭續魄冥漠杳如綬甯吉主靈庶鑒諸
同治甲戌仲秋之月世愚姪陳倬頓首重次周興嗣文

祭文

維同治甲戌壬寅朔越二十二日甲子受業年家子許廣颺
哭奠於

誥授通議大夫 晉授榮祿大夫 欽加四品卿銜 晉加
三品銜詹事府中允隨帶加三級我林一夫子之靈曰嗚呼
大雲散彩小草失滋喬太委地巢禽辭枝惟公明懿經師人
師同聲一慟知與不無公之文章常在人口公之科名高於
北斗自公視之皆其所後立德立言斯爲不朽我

朝大儒首推亭林郡國利病經緯在心公抱微尚奉若南鍼
抗議萬言希古切今言之非艱行之惟力吾吳田賦沿明舊
則屢奉

祭文

恩減民困未息貢必取盈吏濟以墨大戶小戶尤患不均高
下其手同域異畛公時在籍奉

詔戒農去其泰甚先減算緡算緡既減徐議蠲復比戶告歎
當途側目旋罷不行且興謗譴退而著書依山之麓公志未
遂公心甚長出贊戎幄規復舊鄉堅城喋血喜動

天閭一疏得請湛恩汪洋嗚呼晝穀夜絲惟

帝之賜則壤成賦惟公之志展轉十年前跋後蹟公殫其憂
人食其利近世儒業專攻決科爾雅不熟寸策或訛卽論詞
賦亦病嬾嬰駢四儷六韻其外惟昔儀徵華樸兼采浙之
詁經粵之學海又若惜陰講席斯在公昔主之百川來匯惟
我吳地抑獨闕如昔盛羣彥今惟虛車言之大吏謀闢廣居

輟而弗康火急軍書泊會貞元投戈講藝噓枯振槁飛翹揚

滯爰欣舊館別敞新第秦風權輿漢學根柢惟公創始樂觀

厥成非公斯席孰發其英唐弓夏服各受榜檠柳商管禮賢管耕袁

璜寶昌葉熾久且益精昔歲癸丑連牆未覲愁賦一篇先被賞擊

繼游公門疑義時晰目我舞鶴憫我退鷁張儉無家躑躅海

濱公假以館息其風塵王充閱肆溷跡途人公爲延譽草檄

充賓春風扇和此其身受身受者獨不如累有上善無名入

人彌久崇巒已成餘皆培塿近纂郡志抑石追王博稽羣籍

定自禮堂方命犢子來執脩羊言充校錄近侍門牆何圖哲

人龍蛇遽厄屬藁未成俄焉易簣續公之書後死之責孰更

如公成此完璧疇昔之日貽我尺鱗答言而外涼笛感鄰及

祭文

聞撒瑟曾不兼旬引讀南望能不霑巾嗚呼在山之泉公固
能淡門業蟬嫣公更無憾惟茲後生旁皇燭暗回首廿年倏
忽如暫嗚呼哀哉仙體一歸逝矣難留平子後身來者其疇
吳門如練燕雲若浮心香一瓣祝公千秋嗚呼哀哉尙饗

祭文

維同治十有三年歲次甲戌七月辛丑朔越二十有二日壬戌受業朱培源孫文楷徐鳳銜李文楷潘其鳳陳其錫汪銘清郁曾儒等謹以清酌庶羞之儀致祭於

誥授榮祿大夫景亭夫子大人之靈曰嗚呼岱嶽雲歸靈巖月邈造化奄流形容易杳羗維正人爲世師表壹旦成神空懷厥道翳我受業

景亭夫子薑芥溫堅川淵淑矢琴瑟睦倫魚雅友士素履恬靜內行謹美謝華啟實甘淡恥鹹典墳游翫經史御食忘飢守默知白求元四聲詳審百家譽傳鱗潛河深光寶劍氣獻詠枯觴飛沛綺麗通籍

祭文

魏闕欣登

皇陛鳳翔龍躍鯤駟起

王路驅馳廣西持節舊言韓去新體幾黜浴義建猷孤寒感
悅遐哉宗工曠乎莫卽庶常云習紙墨是疲裝來回往右有
左宜廊垣陪侍政優年盛

嘉問旁煒宰臣傾聽槐庭屬豪羣儵動色鈞信克恭愔直效
職惠劭呂尹仕抗榮號忠貞石投旂廉壁立感丁父母禮亦
必踐毀性何敢孝念每飯思詒台名刻木奉祀達陋阮嵇外
矩虧止服滿之官

輦轂再居絜楹懼殆拙身出都解纓寡歡並迹陶疏杜門稽
古寂處畏譏俯察璣璇仰觀曦曜星象懸步極諸微眇聞索

秦遠運轉幹眺霄冥消澂洞漠殊巧草書稱聖隸字益精漢
莽唐妍鑑別渭涇八法論辨逸少藏珍臨池礪泐圖貌摩眞
禍興青犢宙宇縱橫假號蒙而盤據省城鬱攸中市火烏環
鳴地赤天絳獸駭禽驚洪賊荒侈羸軍顛覆野被積盜輦逼
鞠惡凌辱刑誅老弱婦妾暑蒸委骸糠飮載食

帝乃命將合肥李公治兵海上匡伐張功英才雨集 君寔
佐戎羽扇指顧規畫惟從曰平巨叛在振民困稅則旣更農
可使勸此蓋根本餘者枝葉以致甯康皇利福國六府具奏
下情伏聞昆黎願給鼓物非輕茲鉅手筆時賢孰能夙弊矯
盡俠弁驤騰尋捕匪類獲首斬渠舍罪招亡聚盈綏虛男賴
秉琶女任組機密謨伯相善後囚其沙浮薄糧雞黍樂適秋

晚稼納夏辰穡及遂入兩鐘烹羊飽德紡布績絲箱囊充塞
箋答甚當條切律明威烈與宣皆慕富仁

九重特敕輶軻朝京頓顙力讓超拜貴卿高恐累九祿怨過
寵慙階弗縻

晉封增悚驢背催隱散髮息駕銀魄暝寐滅燭竟夜蘭莊熱
退荷田颿寫宅土五畝初終祇誠執竹如意坐松養和藍染
孟勉果柰猶多辭場尊宿主席紫陽東南俊茂羅列宮牆育
姿吹植儀想禹湯藝林紛茹尺短寸長隋珠朗照賤耳矜目
早愼丹黃率承絃讀豈務毛舉賞陟自的涂靡射談助親資
戚誰謂罔庸笑彼圓逐近移舉比吉父斯基接武安定琵琶
分疑箴衣銘帶霜嚴露施丙章周秦嗣嫡洛伊采煌帷帳晦

景勿離續修郡志故事牒陳戶口改并州縣同營邱碣釋異
桓碑對衡制煩殷簡存要收沈遺慮紈翦燕賓槽孰冠襄濟
楚畫日馨學羔雁緣引荀菜膳足音聆冬溫謙勞卑牧邇領
搖簷交推永叔得最取良升堂訓俗趙璧操量頗遵約束水
曲巾車仙笙唱夕谿礮投釣谷岫扶策調攝詩酒耽說禪理
佳兒躬傳連牀兄弟昆貢梧岡暉盎甲歲用縣倣祐篤慶方
始二難競發豫端廟器生等無似且傷飄獨桐閨翠凋棠陰
薪落房拱慈位筵歌孔作弔祭設爵腸回萬結金殿玉樓欲
語於邑哀而不見愚誠已竭所好姑阿嘗謂虞稷來園會寓
惶惻焉特廖也心悲千文敬次尚饗

祭文

同治十三年四月十三日我

校邠夫子考終里第門人夏從銛徐誦芬黃禮讓徐敦仁柳
商賢管禮耕王頌蔚葉昌熾等痛儒則之安仰悼耆華之永
謝相與累欷攀慕撰舉規英而爲文以祭之曰嗚呼微輔虧
精嶷屠淪戾于何昊寧奪我模詰門從哀纏賓游慕結殂芳
元亭屑涕越紉 公負茂鑒鏡秀瓠齡文辭深瑋煌煌咸莖
霄扉詆蕩扶搖而升清裁貫今 聖祖承明駕一封軺南臨萌
渚洞藹竚笑竹禽蠻語陶化還冥天謠國岨志補虞衡材羅
銑楷宜參鼎輔胡璫參儀難離開館洞霄領祠雷稱都講伏
號大師投黻東山蒼生望起推籍廷章旌賁

詔旨伊誰從昧變鮑遷開既令結綬又賦歸田漢家元二菑
晚驚駭妖蜺竟天爛二
斷破夏瑚覆白汗玉何損瑤瑜時艱翼乘鄉邑淪莽臺城青
袍越溪石鼓磬地纏氛刑天干舞貌茲歆浦旆綴海壖永嘉
流寓吳會衣冠刀雨迸焦斗城孤懸乞師皖上惟 公草箋
天戈龍定廓清逋孽哀我
矚賴 公溫拯都亭饘
田挈重切里徵村憊負流
聖慈柎歌缶頌我

皇四年

特恩徵召 公樂閒恬貞履閔耀湖蓴擷香巖花流照半畝

之居掖誦坐嘯嗚呼 公之遭遇可通而晦威鳳一鳴敬蓄
光彩韜伏明姿甘是堙暖 公之幹局方圖可施鼂策邊事
賈議河隄忠肝龜鑒抗論虹霓 公之文章雄純酣肆奔泉
萬仞下臨渴驥太華積雪時露古媚成一家言樵澁斂避
公於闕行旣管且純頤親誨弟烝孝藐倫躬冒霜霰銜恤卜
窀寶州慚藝宏農遜神 公眞智囊兼通綴術甄綜星緯侔
揣歲實按弧割園陳縈知直隸首數窮歐巴氣懾 公望旣
宿歸然靈光郡有疑事函問十商賤脩朔望贊栗相將 公
雖華顛媚學不輟稽鏡浚長履該尉律平守甄微也毆摺逸
濟古得裁接人用拙 公勵品植遠絕奔塵臺省抗禮竿牘
無陳節轅郵筒啖荔詞新立頑樹恥模楷羣倫 公守儉素

不渝儒服晏裘卅年郭巾一角杞菊晨餐篝燈宵讀稚川寫
書紙背字錄 公性渴士禮致衿傾方歎一顧駿價爲騰車
轍塞巷巾卷充庭如金就黼如水歸瀛襄陽耆舊陳留風俗
典午以還方志爰作 公綴遺聞務正躊駁剖蚌得珠升嚴
求璞銓材何脩得厠揚摧煥古鞋今狷具津略豈意長星一
旦壓腳不愍少留失聲呼髯嗚呼哀哉鄰相旣輟路決復捐
京夏凡百畢恨咸酸豈況小草曾荷嘘拂感切懷知痛深靡
哲鄭君禮堂寫定何日靈風肅幃音儀髣髴嗚呼哀哉歛忽
人世俄然古今爵不福德壽不隨仁收華委耀奄離形神豔
思歎卽幹亡名存 公雖山邱有子賦轍鑿楹得書行振門
業慰 公泉扃醺清敬懋尙饗

請奏建專祠呈

具呈紳士翰林院侍讀銜編修潘遵祁五品銜前工部
主事蔣德馨布政使銜記名道刑部郎中潘曾璋布政
使銜浙江甯紹台道顧文彬浙江候補道吳艾生道員
用四川潼州府知府陶文潞按察使銜江西酌補道蔣
嘉械四品卿銜刑部主事潘馥鹽運使銜湖北候補道
潘其鈐道銜候選員外郎吳嘉椿四品銜分部行走員
外郎潘儀鳳道銜儘先選用知府程肇清等呈爲故紳
學有體用功在桑梓合詞環請具

奏捐建專祠以獎功能而式鄉里事

紳等

竊查蘇州府吳

縣已故紳士三品銜前詹事府右春坊右中允馮桂芬

平生力學砥行洞貫古今立身以清介自持尤究心經世之學一事一言務求實用以副貢生中式道光壬辰舉人庚子一甲二名進士授編修旋補右春坊右中允歷任清華迭司文柄尋以疾作假歸適值庚申粵匪之難時東南大局全恃樞瀆一隅賊氛屢逼滬城瀕危馮紳先與紳等謀設會防局調和中外襄籌防剿繼又定入皖乞援之策手草函稿數千言統籌時局瀝陳危急情形與用兵先後機宜曾爵相得書感動迨中堂統師來滬卽奏奉

諭旨辟馮紳在幕襄辦軍務兩年其一切撫剿事宜多所贊決早在洞鑒之中先是吳中困重賦我

朝定鼎以來一革前明弊政屢次議蠲議減銀米動以數十萬計民困大甦然糧額視他省猶數倍也經難後民力尤苦不支馮紳留心漕務者三十餘年條議說帖哀然成帙會同治二年江蘇辦理減賦馮紳時在

中堂幕府得從旁愬懇參議章程務以實惠及民爲主吳民至今稱道弗衰賦額既減馮紳更與紳等議減長

元吳三縣租額於是農佃業戶咸得沾

國家浩蕩之恩又以官中清丈田畝多用部頒五尺步弓往往田多溢額無從核實編考會典及

皇朝文獻通考戶工兩部則例知乾隆間以各省步弓不同定議丈量舊田俱用舊行六尺步弓惟新漲沙田用新

頒五尺步弓

紳等

援案環請前江蘇巡撫張公樹

聲入奏部議奉

旨允准凡此數事於

國家爲大計議於江蘇爲大利害而馮紳一一資以擘畫

民間利病切實講求有所聞見卽以陳之當事

紳等親

見其孳孳矻矻朝夕不遑精力爲之交瘁至若興水利

則開濬河道端士習則嚴課書院以及掩埋棲流積穀

恤燹諸務蘇垣新復之後鄉里公事賴其經營者不可

殫述前安徽巡撫喬公松年薦馮紳以品學兼優才堪

幹濟若內而試以卿寺外而試以兩司必能卓越尋常

有所建樹嗣後

中堂在兩江兩湖直隸總督任內亦經屢次保薦雖疊蒙

恩旨褒賞並蒙

徵召而馮紳已衰病不能赴召矣本年四月以積勞病故不

特紳等

同聲惋惜合城士民亦無不傷悼

紳等

竊維祭

法載聖王制祀之典凡有功烈於民者則祀之我

朝定制凡在名臣忠節皆得邀

恩一體建立專祠以馮紳之品端學邃體用兼賅不獲大抒其忠君愛國之誠而述其規畫數大事莫不精深博大功垂久遠卽擬以名臣夫復何愧况有功於民尤合禮經制祀之典爲此合詞環叩

宮太保伯中堂府鑒馮紳公忠贊畫有裨軍國准予援
例具

奏乞

恩捐建專祠庶幾馨香弗替上以見

朝廷獎勸之無遺廟貌聿崇下以令鄉黨謂思之有屬至
紳等不揣冒昧瀝情逕陳者以馮紳久在

中堂幕府襄辦軍務知之素深自必言之尤切也其未
經在籍具呈緣由合併聲明上呈

奏建專祠片

再據江蘇吳縣紳士翰林院侍讀銜編修潘遵祁等十
二人聯名赴津呈稱三品銜原任右春坊右中允馮桂
芬籍隸蘇州力學砥行洞貫古今清介自持尤究心經
世之學由進士授職編修升授中允因病乞歸旋值粵
匪竄陷蘇省東南大局全恃漚瀆一隅賊氛近逼屢瀕
危險該紳先謀設會防局襄籌防禦繼定入皖乞援之
策手草函稿數千言漚陳危急情形與用兵先後機宜
迨臣統軍來滬復襄籌軍務多所贊決吳中田賦極重
兵燹之後民力不支該紳留心漕賦三十餘年條議說
帖裒然成帙同治二年臣等辦理蘇屬減賦延請該紳

參議章程除絕浮費務使實惠及民又議減三縣租額請奏定清丈田畝步弓凡此數端於

朝廷爲大政事於江蘇爲大利害該紳精心擘畫次第舉行至若與水利端士習掩埋棲流積穀恤釐諸務蘇垣新復皆賴經營凡民間利病知無不言心力交瘁屢經保薦以衰病不進起召本年四月在籍病故不特紳等咨嗟惋惜卽合城士民亦無不同聲傷悼因其向在臣軍出力請奏懇

恩准於吳縣本籍捐建專祠等情前來臣查馮桂芬品端學邃體用兼賅臣前在江蘇與之共事最久知之最深其平日簪書精博待人接物一出至誠鄉里人士知與不

知皆呼爲馮先生而不名而其有功於地方尤在滬上乞師蘇省減賦二事吳民至今稱道不衰旣據台詞呈請未便壅於上聞相應據情代

奏籲懇

天恩准其捐建專祠由地方官照例致祭以順輿情而資矜式理合附片具陳伏乞

聖鑒訓示謹

奏同治十三年十二月十四日准

禮部咨祠祭司案呈內閣抄出李鴻章片奏請將右春坊右中允馮桂芬准於本籍吳縣捐建專祠由地方官致祭以順輿情等因同治十三年十一月十五日奉

殊批著照所請該部知道欽此

崇祀鄉賢

江蘇巡撫

臣

吳元炳謹

題爲公舉崇祀鄉賢循例詳

題事據蘇州布政使恩錫詳據蘇州府詳據吳縣詳准該縣儒學牒據紳士翰林院侍讀銜編修潘遵祁五品銜前工部主事蔣德馨布政使銜記名道刑部郎中潘曾瑋布政使銜浙江甯紹台道顧文彬浙江候補道吳艾生道員用四川潼州府知府陶文潞按察使銜江西酌補道蔣嘉猷四品卿銜刑部主事潘馥監運使銜湖北候補道潘其益道銜候選員外郎吳嘉椿四品銜分部分行走員外郎潘儀鳳道銜儘先選用知府程肇清等呈

稱竊惟樹聲長世通德所以名鄉遺愛在民報功所以祭社惟

聖世頤賢典重用酬泮水馨香斯後生學步情殷足副高山景仰如吳縣故紳三品銜詹事府右春坊右中允馮桂芬者振跡單閼揚芬綺歲下帷而學通千蹕鼓篋而聲雋一黌旣副賢書旋魁鄉薦題榮名於藥榜雲見白臚聽法曲於霓裳鳳鳴索棘闡校士分曹而文選青錢桂海持衡問俗而青囊赤雅方詞曹之供職俄苴杖之催歸王哀居廬墮髮鬢次宗講學館開雞籠因修愚筴之書爰領洞霄之樂泊乎山鳴石鼓江下樓船輓粟飛芻轉輸無匱簡兵勵械守望攸資大府方倚以參裁

小民亦資其保扞而乃長城竟壞大廈難支以王榮之
無家爲郤超之入幕海上則移書告急軍中則籌筆宣
勞卒能贊定戎機佐平鄉縣我吳地稱膏沃民困租庸
常瘡痍甫定之時爲井里無疆之計浮糧減數十萬被
澤尤在蘇松積弊返五百年惠心比於周况播茲馨烈
足式來今而况學湖程朱文高籍湜三蒼掇逸登南閣
祭酒之堂七緯甄微入北海經神之室下至重差夕桀
術演周髀水利農田書通郊廛成德不名一藝餘技足
了十人猶復頤素葆貞辭榮捐世大吏屢登之啟事
朝廷且聘以安車雖膺卿寺之榮未改邱園之志蘇湖教
授奉安定爲師吳郡圖經繼伯原而作至於門無私謁

座有良箴廉儉以持身和平以接物置田贍族遺言仿
范氏莊規式穀貽謨競爽啟眉山家學允爲一鄉之善
豈徒十室之良紳等誼託苔岑德薰桑梓或鳳池接武
並列清班或鱣席橫經猷闡懿論理合開具事實冊結
呈乞加具結看轉請詳

題俾得准列鄉賢則薦馨芹藻當依尼父之庭流澤枌榆
共拜樂公之社等情並呈事實冊結到學據此該吳縣
教諭張芑孫訓導程詒孫核看得故紳三品銜詹事府
右春坊右中允馮桂芬鄉里耆英人倫師表覃理人關
閩之輿射策高賈董之科相應開造事實清冊加具結
看牒請轉詳等情到縣准此該署吳縣知縣褚成績核

看得本邑已故三品銜原任詹事府右春坊右中允馮桂芬世傳孝友生通德之門學究天人有儒林之目乃辭榮於

盛世爰表式乎里閭利濟躬親彝倫攸敘王義方之清望化及邦人陸敬輿之宏通無慚儒者旣著鄉評之實宜隆社祭之文合將送到事實冊結加具結看詳祈核轉等情到府據此該蘇州府知府李銘皖核看得吳縣已故三品銜原任詹事府右春坊右中允馮桂芬家傳孝友學有本原譽美詞曹望隆邦族本文章爲經濟禦戎與均賦兼籌講道義爲師儒修德興立言並重鄉稱賢達旣孚里黨之評社祭春秋宜享蒸嘗之報合將送到

冊結加結轉詳等情到司據此該蘇州布政使恩錫核
看得吳縣已故三品銜原任詹事府右春坊右中允馮
桂芬翰院耆英鄉閭碩彥木天蜚譽職重衡文珂里居
憂望隆講學吳中遭寇力籌守禦之方海上從戎懋贊
澄清之績陳書求減賦經濟攸資尚志樂辭榮人倫景
仰旣立言以不朽復薰德而多良允治興評宜隆社祭
合將送到事實冊結加看具文轉詳伏候

題請入祀吳縣學鄉賢祠以順輿情等情到臣據此該臣

看得吳縣已故三品銜原任詹事府右春坊右中允馮
桂芬東南耆碩邦族斗山昔年翰苑蜚聲頻握量才之
玉晚歲靈巖養望常澄鑒士之冰念桑梓而策治安足

民卽以足國擁皋比而爲教授經師實備人師輿論旣
洽於鄉崇德宜祀之社茲據蘇州布政使恩錫取具事
實冊結詳候

題請入祀吳縣學鄉賢祠前來臣覆核無異除冊結揭送
禮部查核外謹會同署理兩江總督臣沈葆楨江蘇學
政臣林天齡合詞恭疏具

題伏乞

皇上聖鑒敕部議覆施行謹

題請

旨

事實

一故宦

諱

桂芬

字林一號

景亭江蘇吳縣人由副貢生

中式道光十二年壬辰科本省鄉試舉人二十年庚子科會試中式

殿試一甲第二名

賜進士及第

授職翰林院編修二十三年充順天鄉試同考官二十四年充廣西鄉試正考官旋丁內外艱咸豐六年補右春坊右中允九年請假回籍同治六年

賞加四品卿銜九年又

賞加三品銜十三年四月十三日卒於家春秋六十有六

一故宦系出海虞九世祖諱惠始遷吳世有積德曾祖

諱義謨祖諱禮瑞父諱智懋三世並

覃恩誥贈榮祿大夫故宦生有至性事父母純孝丁內外艱
哀毀幾至滅性終身遇諱日謝賓客不御酒肉有甥早
孤撫之如子教養汙於成立嘗承先志手輯族譜晚歲
於宗祠義莊漸次經畫規模粗具未竟厥志而歿

一故宦持身清介生平旁無姬侍未嘗鮮衣華食於歌
舞筵場避之若浼少爲某邑令記室令因事怒諸生某
欲申請斥革故宦力爭不得卽拂衣去及官京師凡外
官來京者非有年世誼不輕與通晚尤澹於榮利雖累
經徵辟終以衰病不赴云

一故宦主試廣西在閤中悉心校閱徧搜各房落卷榜發獲雋者多老宿一時咸慶得人在道作行紀二卷所歷山川古蹟悉有考證

一故宦學問體用兼賅咸豐三年辦理團練城廂內外布置周匝同治初身在行間者兩年議撫議剿多所贊決嘗著校邠廬抗議四十篇於經國大計指陳剴切見者咸歎爲通儒故屢登大府薦牘均有品學兼優才堪幹濟卓識宏議定裨軍國之語

一故宦於咸豐十年避難海上時東南大局全恃滬濱一隅賊氛屢逼危不可支諸紳有入皖乞援之策而函稿難具故宦爲統籌時局代草數千言憑陳危急情形

與用兵先後機宜皖中得書卽發兵來滬不數年蘇省賴以蕩平一書之功爲多云

一故宦於蘇松賦重源流自少究心條議說帖歲有所作咸豐三年嘗勸大吏行均賦法革除大小戶舊弊同治四年蘇松永減漕額凡奏牘章程當事咸與商定五年復請永減長元吳三邑租額於是

朝廷曠蕩之恩統業仰而均沾矣

一故宦引掖後進出於至誠先後主講惜陰敬業紫陽正誼各書院幾二十年造就多知名士其素無文譽而激勵成材者不可勝數

一故宦潛心經術博通今古尤精小學嘗得影宋本徐

楚金篆韻譜手摹付梓以段氏玉裁說文解字注爲治
說文者所必讀而其中引用頗多譌誤作段注考正十
六卷咸豐初在維揚修鹽法志於綱引沿革考訂綦詳
同治八年總纂蘇州府志博采旁搜雖老不倦又善爲
古文四方丐傳誌者戶屢常滿箸有顯志堂文集若干
卷

一故宦於疇人家言研究最精著有弧矢算術細草圖
解及西算新法直解又校正李氏恒星圖測定咸豐紀
元中星表嘗手製定向尺及反羅經以步三繪圖法
爲捷合有丈田繪圖章程已刊行前年以官中清丈用
部頒五尺步三三多溢額因徧查會典及

皇朝文獻通考戶工部則例知乾隆間定議丈舊田用舊行六尺步弓惟新漲沙田用新頒五尺步弓乃援案呈請奏准鄉里至今德之

一故宦於地方公務與當道縉紳虛心參酌無推諉瞻徇之私同治二年蘇城克復一切善後如建學宮濬河道修葺祠宇復設書院諸事靡不規畫盡善其非鄉先生所當與聞者則雖重以請託不少假借

一故宦於善舉尤盡心力咸豐三年收養江南北流亡全活無算同治初在上海請設撫卹局專辦掩埋棲流又創立保息安節等局郡城復後故宦經理女普濟錫類兩堂樽節經費營建堂屋規制因以大備焉

一故宦子芳緝刑部主事芳植舉人每應大小試必戒以絕干請杜剽竊臨歿前數日二子皆在京都猶寄諭諄諄以立品勵學爲訓其嘉言懿行洵足爲一鄉矜式云

禮部謹

奏爲議覆名宦鄉賢事光緒二年禮科抄出江蘇巡撫吳元炳等疏稱已故三品銜詹事府右春坊右中允馮桂芬家傳孝友學有本原請入祀鄉賢祠奉

旨該部議奏欽此欽遵到部查例開崇祀名宦鄉賢該督撫會同學政每年八月前具題並將事實冊給送部詳覈於歲底彙題確核事蹟倘名實不能相副及僅以人品學問空言譽美者卽行指駁又子孫現任九卿祖父不得題請入祀名宦鄉賢果有鄉評允當政事人品足爲矜式者仍俟其子孫身後再行辦理各等語今該撫送到事實冊內開已故三品銜詹事府右春坊右中允馮

桂芬江蘇吳縣進士由編修升中允生有至性事父母
孝丁憂哀毀終身遇諱日謝賓客不御酒肉有甥早孤
撫如子嘗輯族譜經畫宗祠義莊承先志也咸豐同治
間辦理團練身在行閒著校邠廬抗議四十篇於經國
大計指陳剴切時東南大局全恃滬濱一隅賊氛屢逼
危不可支諸紳有入皖乞援之議故宦草數千言瀝陳
危急情形與用兵先後機宜皖中得書發兵來滬蘇省
賴以蕩平蘇松賦重嘗勸大吏行均賦法革除大小戶
舊弊又商定永減漕額章程請永減長元吳三邑租額
主講紫陽正誼等書院造就多知名士博通今古尤精
小學以段氏玉裁說文解字註引用多誤作段註考證

又著有顯志堂文集弧矢算術細草圖解西算新法直
解校正李氏恆星圖測定咸豐紀元中星表手製定向
尺及反羅經用以步田繪圖法爲捷合有丈田繪圖章
程官行清丈用部頒五尺步弓田多溢額爲查文獻通
考戶工部則例知乾隆閒定議丈舊田用舊行六尺步
弓惟新漲沙田用新頒五尺步弓呈請奏准至蘇城克
復一切善後如建學宮濬河道葺祠宇設書院靡不規
畫盡善咸豐三年收養江南北流亡後在上海請設撫
卹局掩埋棲流又創建保息安節等局及普濟錫類兩
堂於地方善舉尤盡心力焉各等語臣等公同查核該
撫請將馮桂芬入祀鄉賢祠之處均屬名實相副謹擬

准其入祀名宦鄉賢祠恭候

命下臣部行文該撫遵奉施行所有臣等遵議緣由謹援照

成案改題爲奏爲此謹


奏請

旨

光緒二年十二月二十五日具奏本日奉

旨依議欽此

杖邠先生遺象



袁潮敬繪

鳥兮先生兮負令聞喬豐上
夷寧屬儒宗諧邑里濟世司
蘊其心也賢鳥疑泐其所以
而弓回翔雄視夾山不腹上
葉斯譜文何鳥兮是豈先生
是哉贊曰靈巖山高石澗水
清寧以終古先生山名先生
丙子仲冬歸安吳雲講題

顯志堂稿目錄

吳縣馮桂芬林一著

卷一

宗法論

釋鶉

明紀序

說文解字韻譜補正序

重刻段氏說文解字注序

校邠廬抗議白序

約堂算學雜記序

天元算術序

兩京印錄序

問經堂印譜序

吳平齋古官印考藏序

琴學小知序

江陰捐賑錄序

黃澍莊大令滇南事蹟序

滇南事實序

廣西鄉試錄序

太上感應篇圖說序

太上感應篇合注序

窺天鏡序

關帝覺世真經闡化編序

良方集腋合璧序

驗方新編序

邵步青醫學三書序

似山居圖序

費樹臣飲馬長城圖小影序

鴻雪因緣序

卷二

王晉川少宰樂阜山堂詩集序

張婉紉夫人詩集序

通隱堂詩序

梵隱堂詩存序

秦稚叔小睡足寮詩序

碧螺山館詩序

蕉窗十則詩序

可自怡齋試帖序

惜陰書舍戊申課藝序

國朝古文彙鈔序

思適齋文集序

潘功甫文集序

蔣篆香文集序

薄斐君遺文序

蔣丹林制藝序

洪銘之時文序

沈汝松時文序

金詠雱遺文序

懷青山館制藝序

憶樊居制藝序

王蘭史刺史自訂年譜序

無錫吳氏族譜序

榮氏族譜序

送張中員大令之官武昌序

送許洵臣中丞還營序

蕭山湯協揆師八十壽序

杜石樵侍郎八十壽序

杜年丈七十壽序

朱蘭坡宮贊師七十壽序

莊年丈七十壽序

程楞香中丞六十壽序

顧南林年丈七十壽序

潘紱庭京卿五十壽序

顧蓉莊年丈七十雙壽序

萬母徐太恭人六十壽序

卷三

重修吳縣學記

吳縣學禮器記

闕里致經堂記

珠里義學記

蘇州試院記

改建正誼書院記

重建吳江松陵書院記

林文忠公祠記

重建張忠敏公祠記

移建昭忠祠碑記

吳氏節孝祠記

六烈祠記

陳氏五世節烈入祠記

火林負母圖記

蘇太義園記

上海果育堂記

光福一仁堂記

耕漁軒記

憚園記

遊祁陽潯溪記

重建垂虹亭記

養閒草堂記

太初道院記

重修鄧尉聖恩寺記

上海重建武帝廟記

卷四

汪氏耕蔭義莊記

武進盛氏義莊記

吳氏祭田記

江蘇減賦記

上海守城記

皖水迎師記

滬城會防記

續郡志記兵

耒陽紀聞

上海紀事

卷五

擬遣弁齎餉馳迎向帥啟

公啟曾協揆

啟李宮保論減賦

再啟李宮保

三啟李宮保

啟肅毅伯李公論清丈書

上林督部師書

復朱蘭坡師書

復許慎生師書

與李方赤太守書

與張詩齡尙書書

與當事論捐辦防堵書

與曾揆帥書

與陸督部書

與許撫部書

與許撫部書

與許撫部書

與吉撫部書

與趙撫部書

復潘少宰書

與友人書

與錢映江書

復莊衛生書

致姚衡堂書

致李伯相書

致曾侯相書

復應方伯論清丈第二書

卷六

振威將軍 贈太子太保一等輕車都尉世職霍羅琦

巴圖魯幫辦軍務江南提督高要忠武張公小傳

南韶鎮總兵桐城程忠烈公小傳

職方韋君家傳

劉觀察傳

陳太守傳

程中書傳

馬中書傳

方恬菴先生家傳

陳君若木家傳

卹贈知州銜雲騎尉世職候選從九品長洲健菴馬君

家傳

顧茂才傳

張繼庚傳

贈騎都尉世職候選道劉君家傳

龔生傳

陳君傳

浙江升用知縣候補府經歷 贈雲騎尉世職吳縣王

君家傳

副將華爾小傳

孝婦單孺人傳

吳恭人家傳

蔣孝婦傳

龐烈婦傳

葉節婦家傳

許烈姬傳

卷七

贈太子太保 武英殿大學士華陽卓公神道碑銘

榮祿大夫 贈太常寺卿鹽運使銜福建興泉永兵備

道會稽秦公神道碑銘

奉直大夫內閣中書加四級常熟叔巖曾君墓表

光祿大夫東閣大學士文恪王公墓志銘

光祿大夫太傅 武英殿大學士文恭潘公墓志銘

按察司銜署安徽廬鳳潁道剛愍金公墓志銘

四川候補道嘉定府知府李君墓志銘

奉政大夫安徽補用同知直隸州署六安州事卹贈雲

騎尉世職元和金君墓碑銘

贈知府銜雲騎尉世職湖北揀發知縣無錫王君墓志

銘

員外郎銜升用主事內閣中書潘君墓志銘

浙江石浦同知張君墓志銘

資政大夫太常寺卿蕭山湯公墓志銘

卷八

贈資政大夫知州銜河南永城縣知縣吳縣有庚吳公

暨配邱太夫人合葬墓志銘

振威將軍廣東陸路提督幹勇巴圖魯正定郭公暨配

李夫人合葬墓志銘

功甫潘先生暨配嚴宜人合葬墓志銘

卹贈知府銜候選同知秀水王君暨配張恭人合葬墓
志銘

潘母張太夫人墓志銘

誥封太宜人費母梁太宜人墓志銘

先慈謝宜人事狀

顯考春圃府君行述

卷九

代擬歸併科則片

請減蘇松太浮糧疏

擬請再減賦額疏

捐勇助剿公牒

請定步弓尺寸公牒

請均賦牒

均賦說勸官

均賦說勸紳

均賦說勸衿

均賦說勸民

卷十

均賦議

裁屯田議

寓兵於工議

通道大江運米運鹽議

借兵俄法議

上海設立同文館議

墾荒議

卷十一

變捐例議

繪地圖議

均賦稅議

稽旱潦議

興水利議

改河道議

勸樹桑議

壹權量議

稽戶口議

重酒酤議

收貧民議

崇節儉議

復宗法議

重儒官議

用錢不廢銀議

卷十二

明徵士劉孝惠先生像題辭

林少穆督部師小像題辭

潘文恭公像題辭

姚石甫觀察小像題辭

黃子埜五十小影題辭

五十自訟文

書東坡范增論後

讀史記律書書後

書減賦局科則表後

甲辰新憲赤道恒星圖跋

跋張文昌上韓昌黎書後

徐健菴司寇東山修史圖跋

跋錢映江盧忠肅公記冊

跋武進李氏書後

跋海國圖志

裕靖節公督師研圖跋爲陳若木文學

袁胥臺父子家書跋

跋林文忠公河壩雪轡圖

河聲山色樓圖跋

江山風月圖跋

唐鷄安司馬稚自勉齋圖跋

跋夏秋田卷後

元和唯亭志序

潘順之吉士岱頂看雲圖序

歸硯山房圖序

五湖漁莊圖序

顧湘舟五十壽序

祭蒲城相國文

日涉園賦

上林少穆師書

上林少穆師書

與李學士書

賀林少穆師長君館選啟

余筠谿先生像贊

潘星齋秋江泛月圖跋

古吳胥門內
謝文翰齋刻